

第四五六冊

博物彙編

藝術典

醫部

(卷)

四七—四六

古今圖書集成

中華書局影印

Z 225



欽定古今圖書集成博物彙編藝術典

第四百十七卷目錄

醫部彙考三百九十七

婦人帶下門一

黃帝素問

張機金匱要略

王叔和脉經

孫思邈千金方

陳自明婦人良方

嚴用和濟生方

劉完素六書

張從政儒門事親

李杲十書

朱震亨心法

戴思恭證治要訣

李挺醫學入門

薛己醫按

王肯堂證治準繩

吳崑醫方考

萬全廣嗣紀要

婦人秘科

張介賓景岳全書

方一白

微方

黃清

劉宗素

聖復

聖復



醫部彙考三百九十七
婦人帶下門一
黃帝素問
骨空論
任脈爲病女子帶下瘕聚
任脈循于腹故其病在腹
漢張機金匱要略
帶下病脉證
婦人之病因虛積冷結氣爲證經水斷絕至有歷年
血寒積結胞門寒傷經絡凝堅在上嘔吐涎唾久成
肺癰形體損分在中盤結繞臍寒疝或兩脅疼痛與
臟相連或結熱中痛在關元脉數無瘕肌若魚鱗時
若男子非止女身在下未多經候不勻令陰墜痛少
腹惡寒或引腰脊下根氣衝氣衝急痛膝脛疼痛煩
忽眩冒狀如厥顛或有憂慘悲傷多嘆此皆帶下非
有鬼神久則羸瘦脉虛多寒三十六病千變萬端審
脉陰陽虛實察弦行其針藥治危得安其雖同病脉

藝術典第四百十七卷

醫部彙考三百九十七

婦人帶下門一

黃帝素問

骨空論

任脈爲病女子帶下瘕聚

任脈循于腹故其病在腹

漢張機金匱要略

帶下病脉證

婦人之病因虛積冷結氣爲證經水斷絕至有歷年

血寒積結胞門寒傷經絡凝堅在上嘔吐涎唾久成

肺癰形體損分在中盤結繞臍寒疝或兩脅疼痛與

臟相連或結熱中痛在關元脉數無瘕肌若魚鱗時

若男子非止女身在下未多經候不勻令陰墜痛少

腹惡寒或引腰脊下根氣衝氣衝急痛膝脛疼痛煩

忽眩冒狀如厥顛或有憂慘悲傷多嘆此皆帶下非

有鬼神久則羸瘦脉虛多寒三十六病千變萬端審

脉陰陽虛實察弦行其針藥治危得安其雖同病脉

各異源詳加辨記勿謂不然
問曰婦人年五十所病下利數十日不止暮即發熱
少腹裏急腹滿手掌煩熱唇口乾燥何也師曰此病
屬帶下何以故會經半產瘀血在少腹不去何以知
之其證唇口乾燥故知之當以溫經湯主之
帶下經水不利少腹滿痛經一月再見者土瓜根散
主之
晉王叔和脉經

脉證

大風邪入少陰女子漏白下赤

師曰婦人帶下六極之病脉浮則爲腸鳴腹滿緊則

爲腹中痛數則爲陰中瘕痛則生瘕茲則陰瘕瘕痛

師曰帶下有三門一曰胞門二曰龍門三曰玉門已

產屬胞門未產屬龍門未嫁女屬玉門

問曰未出門女有三病何謂也師曰一病者經水初

下陰中熱或有當風或有扇者二病者或有以寒水

洗之三病者或見丹下驚怖得病屬帶下

師曰婦人帶下九實中事假令得鼠乳之病劇易當

劇有期當庚辛爲期餘皆倣此

問曰有一婦人年五十所病但苦背痛時時腹中痛

少食多厭喜腹脹其脉陽微關尺小緊形脉不相應

願知所說師曰當問病者飲食何如假令病者言我

不欲飲食聞穀氣臭者病爲在上焦假令病者言我

少多爲欲飲食不食亦可病爲在中焦假令病者言

我自飲食如故病爲在下焦爲病屬帶下當以帶下

治之

問曰婦人病如癰疾鬱冒一日二十餘發師脉之反

問曰婦人病如癰疾鬱冒一日二十餘發師脉之反

言帶下皆如師言其脉何類何以別之師曰寸口脉濡而緊濡則陽氣微緊則榮中寒陽微衛氣虛血竭凝寒陰陽不和邪氣舍於榮衛疾候一作起年少時經水來以合房室移時過度精感命門開經下血虛百脉皆張中極感陽動微風激成寒因虛舍榮衛冷積於丹田發動上衝奔在胃腸津液掩口入涎唾涌溢出眩冒狀如厥氣衝體裏熱粗腎名爲癰灸之因大劇

診婦人漏血下赤白下血數升脉急疾者死遲者生

診婦人漏下赤白不止脉小虛滑者生大緊實數者死

婦人帶下脉浮惡寒漏下者不治

唐孫思邈千金方

赤白帶下崩中漏下

諸方說三十六疾者十二癰九痛七害五傷三痛不通是也何謂十二癰是所下之物一日狀如膏二日如黑血三日如紫汁四日如赤肉五日如膿六日如豆汁七日如葵羹八日如凝血九日如清血血似水十日如米泔十一日如月洗午前却十二日經度不應期也何謂九痛一日陰中傷痛二日陰中淋瀝痛三日小便即痛四日寒冷痛五日經來即腹中痛六日氣滿痛七日汗出陰中如有蟲嚙痛八日脅下分痛九日腰脇痛何謂七害一日竅孔痛不利二日中寒熱痛三日小腹急堅痛四日臟不仁五日子門不端引背痛六日月洗乍多乍少七日害吐何謂五傷一日兩脅支滿痛二日心痛引脅三日氣結不

通四日邪思洩利五日前後癰寒何謂三痛一日羸瘦不生肌膚二日絕產乳三日經水閉塞病有異同方亦不一

按產寶方云帶下三十六疾者是十二癰九痛七害五傷三固謂之三十六疾也十二癰者是所下之物一者如膏二者如青血三如紫汁四如赤皮五如膿六如豆汁七如葵羹八如凝血九如清血十如米泔十一如月洗十二如經度不應期也九痛者一陰中痛二陰中淋痛三小便痛四寒冷痛五月來時腹痛六氣滿來時足痛七汗出陰中如蟲嚙痛八脅下皮痛九腰痛七害者一害食二害氣三害冷四害勞五害房六害妊七害睡五傷者一竅孔痛二寒冷痛三小腹痛四臟不仁五子門不正引背痛三固者月水閉塞不運其餘二者文缺不載而千金所說三十六種疾皆由于子臟冷熱勞損而下起於陰內也

宋陳自明婦人良方

帶下有五

婦人帶下其有五因經行產後風邪入胞門傳於臟腑而致之若傷足厥陰肝經色如青泥傷手少陰心經色如紅津傷手太陰肺經形如鼻涕傷足太陰脾經黃如爛瓜傷足少陰腎經黑如衄血人有帶脉橫於腰間如束帶之狀病生於此故名爲帶

按徐用誠先生云前證白屬氣而赤屬血東垣先生云血崩久則亡陽故白滑之物下流未必全拘於帶脉亦有濕痰流注下焦或腎肝陰淫之濕勝或因驚恐而木乘土位濁液下流或思慕爲筋

痿載人以六脉滑大有力用宣導之法此瀉其實也東垣以脉微細沉緊或洪大而虛用補陽調經乃兼責其虛也丹溪用海石南星格根皮之類乃治其濕痰也竊謂前證皆當壯脾胃升陽氣爲主佐以各經見證之藥色青者屬肝用小柴胡加山梔防風濕熱壅滯小便赤澀用龍膽瀉肝湯肝血不足或燥熱風熱用六味丸色赤者屬心用小柴胡加黃連山梔當歸思慮過傷用妙香散等藥色白者屬肺用補中益氣加山梔色黃者屬脾用六君子加山梔柴胡不應用歸脾湯色黑者屬腎用六味丸氣血俱虛八珍湯陽氣下陷補中益氣湯濕痰下注前湯加茯苓半夏蒼朮黃蘗氣虛痰飲下注四七湯送六味丸不可拘肥人多痰瘦人多火而以燥濕瀉火之藥輕治之也

嚴用和濟生方

論治

巢氏病源論婦人有三十六疾所論三十六疾者七癰八瘕十二帶下是也然所謂十二帶下者亦不顯其證狀今人所患惟赤白二帶而已推其所自勞傷過度衝任虛損風冷據於胞絡此病所由生也且婦人平居之時血欲常多氣欲常少方謂主氣有原百疾不生儀或氣倍於血氣倍生寒血不化赤遂成白帶氣平血少血少生熱血不化紅遂成赤帶寒熱交併則赤白俱下有室女或室後虛損而有此疾者皆令孕育不成以致絕嗣凡有是證速宜治之久而不治令人面黧黯色肌肉瘦瘠腹脅脹滿攻刺疼痛甚至足脛枯細多苦逆冷疰氣不能食矣診其脉右寸手

尺脉浮浮爲陽陽絕者無子苦足冷帶下也
金劉先素六書

論證

赤者熱入小腸白者熱入大腸原其本皆濕熱結於
脉故津液湧溢是爲赤白帶下本不痛結緣五經脉
虛結熱屈滯於帶故女子臍下痛而綿綿陰器中時
下也故經曰任脉爲病男子內結七疝女子帶下瘦
聚王注曰任脉自臍上過帶脉貫於臍上故男子內
結七疝女子帶下帶脉起於季章章門如束帶狀今
濕熱寬結不散故爲病也經曰脾傳之腎病名曰瘕
疝小腹寬熱而痛出一名曰瘕所以爲帶下寬結
也寬屈也屈滯而病熱不散先以十棗湯下之後服
苦楝丸大延胡散調下之熱去濕除病自愈也
元張從政儒門事親

赤白錯分寒熱解

精選聖惠方二十三卷論婦人赤白帶下云婦人帶
下者由勞神過度損動經血致令身虛受於風冷風
冷入於脾絡傳其血之所成也巢氏內篇四十四卷
論任脉爲經之海其任之爲病女子則爲帶下手太
陽爲小腸之經也手少陰爲心之經也心爲臟主於
裏小腸爲腑主於表二經之血在於婦人上爲乳汁
下爲月水衝任之所統也衝任之脉既起於胞內陰
陽過度則傷脾絡故風邪乘虛而入於脾中損衝任
之經傷太陽少陽之血致令脾絡之間穢與血相兼
帶而下冷則多白熱則多赤二家之說皆非也夫治
病當先識經絡蓋樞十二經中有是動之病有所生
之病大經有十二奇經有八脉言十二經之外復有

此八道經脉也十二經與八道經脉通身往來經絡
共二十道上下流走相貫周環晝夜不息與天同度
自手太陰肺經起行陽二十五度行陰亦二十五度
復會於手太陰肺經也然此二十道經絡上下周流
者止一十九道耳惟帶脉起少腹側季骨之端乃章
門穴是也環身一周無上下之源絡肝而過如束帶
之於身難經曰帶之爲病落溶如坐水中衝任者是
經脉之海也循腹脅夾臍旁傳流於氣衝屬於帶脉
絡於督脉督脉者起於關元穴任脉者女子主養胎
孕之所督脉乃是督領婦人經脉之海也衝任督三
脉同起而異行一源而三岐皆絡帶脉衝任督三脉
皆統於憂尸巡陰器行廷孔溺孔之端衝任督三脉
以帶脉束之因餘經上下往來遺熱於帶脉之間熱
者血也血積多日不流火則從金之化金曰從革而
爲白乘少腹間寬熱白物滑淫隨瘦而下綿綿不絕
多不痛也或有痛者則壅礙因壅而成痛也內經曰
少腹寬熱漫出白液寬者屈滯也病非本經爲他經
寬抑而成此疾也寬一作客客猶寄也遺客熱於少
腹久不去從金化而爲白設若赤白痢赤者新積也
從心火白者舊積也從肺金故赤白痢不可曲分寒
熱止可分新舊而治之假如癰瘡始赤血次潰白膿
又豈爲寒者哉而病者未爲信也此金之劉河間常
言之矣皆云寒多則白以乾薑赤石脂桃花丸治痢
雖愈後必生血疾如白帶下病徑以白芍藥乾薑白
帶雖愈則小腹必不利治瀉痢與治帶下皆不可驟
用峻熱之藥燥之燥之則內水涸內水涸則必煩渴
煩渴則小便不利小便不利則足腫面浮漸至不治

內經曰思想無窮所願不得意淫於外人房太甚發
爲筋痿淫衍白物如精之狀男子因洩而下女子綿
綿而下左傳曰少男惡長女風落山之象是爲惡蠱
之疾其文三蠱同皿曰蠱乃是思慕色慾內生侵蝕
蝕甚不可便用燥熱之藥攻之漸至形削羸瘦脉大
者必死而不救且赤白痢者是邪熱傳於大腸下廣
腸出赤白也帶下者傳於小腸人臍經下赤白也據
此二證皆可同治濕法治之先以導水丸禹功散瀉
訖次以淡劑降心火益腎水下小溲分水道則自愈
矣頃頃丘一婦人病帶下連綿不絕白物或來已三
載矣命予脉之診其兩手脉俱滑大而有方得六七
至常上熱口乾眩暈時嘔酸水余知其實有寒痰在
胃中以瓜蒂散吐訖冷痰二三升皆酸水也間如黃
涎狀如爛膠次以漿粥養其胃氣又次用導水禹功
二方以瀉其下然後以淡劑滲洩之藥利其水道不
數日而愈余嘗悟內經中所云上有病下取之下有
病上取之又上者下之下者上之然有此法亦不可
偏執更宜詳其虛實而用之故知精選聖惠方帶下
風寒之言與巢氏論中赤熱白寒之說正與難索相
違予非敢妄論先賢恐後學不明未免從之而行也
如其寡學之人不察病人脉息不究病人經脉妄斷
寒熱信用羣方暴熱之藥一旦有失雖悔何追嗚呼
人命一失其復能生乎赤白痢與赤白帶下皆不死
人內經性腸澀便血血溫身熱者死赤白帶下白液
白物蠱病腎消皆不能死人有死者藥之誤也
夫婦人赤白帶下或出白物如脂可服導水丸禹功
散或單用無憂散量虛實加減瀉訖次用桂苓九五

苓散亭歷末香散同治濕法治瀉法治之或用獨聖散上涌亦可也室女同

李杲十書

酒煮當歸丸論

婦人白帶下注癰痛脚氣腰已下如在冰雪中以火焙炕重重厚綿衣蓋其上蒼寒冷不任寒之極也面白如枯魚之象肌肉如刀割削瘦瘦之速也小便不止與白帶長流而不禁固不自知覺面白目青藍如菜色肱肱無所見身重如山行步欹側不能安地腿膝枯細大便難秘口不能言無力之極食不下心下痞煩懊憹不任其苦面停垢背惡寒小便遺而不知此上中下三陽真氣俱虛欲竭噦嘔不止胃虛之極也脉沉厥緊而澀按之空虛若脉洪大而滿按之無力猶為中寒之證况按之空虛者乎按之不鼓是為陰寒乃氣血俱虛之極也宜酒煮當歸丸大補大溫

固真丸論

婦人白帶久下不止臍腹冷痛陰中亦然目中溜火視物眩暈然無所見齒皆惡熱飲且痛須得黃連細末擦之乃止惟喜乾食大惡湯飲此病皆寒濕乘其胞內故喜乾而惡濕肝經陰火上溢走於標故上壅而目中溜火腎水侵肝而上溢致目眩暈而無所見齒惡熱飲者是陽明經中伏火也治法當大瀉寒濕以丸藥治之故曰寒在下焦治宜緩大忌湯散以酒製白石脂白龍骨以枯其濕炮乾薑大熟辛瀉寒水以黃蘗之大寒為因用又為鄉導故云古者雖有重罪不絕人之後又為之伏其所主先其所因之意又高齒中惡熱飲也以柴胡為本經之使以芍藥五分

導之惡辛熱之藥太甚損其肝經故微瀉之以當歸身之辛溫大和其血脉名曰固真丸用藥之法備矣

補經固真湯論

婦人胞尺脉微其白帶下流不止者何按叔和云崩中日久為白帶漏下多時骨體枯蓋血崩久則血少復亡其陽故白滑之物下流不止是本經血海將枯津液復亡枯乾不能滋養筋骨以本部行經藥為引用為使以大辛甘油膩之藥潤其枯燥而滋益津液以大辛熱之氣味藥補其陽道生其血脉以苦寒之藥泄其肺而致上熱傷氣以人參補之以微苦溫之藥為佐而益元氣名曰補經固真湯此證之要藥也

朱震亨心法

總論證治

帶下赤屬血白屬氣

主治燥濕為先

漏與帶俱是胃中痰積流下滲入膀胱無人知此只宜升提甚者上必用吐以提其氣下用二陳湯加蒼木白朮仍用九子凡一本作

赤白帶下皆屬血出於大腸小腸之分

肥人多是濕痰以海石半夏南星炒蘗蒼朮芎藭椿皮青黛之類

瘦人白帶少如有者多熱以炒黃蘗滑石椿皮川芎

海石青黛之類作九子服無海石蛤粉亦可

赤白帶下或十漿湯或神佑九或玉燭散皆可服實

者可行虛者不可峻攻此羅先生法也

血虛者加減四物湯

氣虛者參木陳皮間與之

濕勝者用固腸丸

相火動者於諸藥中少加黃蘗

滑者加龍骨赤石脂

滯者加葵花白帶用白葵花赤帶用赤葵花

性躁者加黃連

痰氣帶下者蒼木香附滑石蛤粉半夏茯苓丸服寒

月少加乾薑臨機應變必須斷厚味

治結痰白帶心下悶先以小胃丹半錢半飽津液下

數九候鬱積開却宜服補藥

赤白帶者皆因七情內傷或下元虛感非一端叔和云崩中日久為白帶

漏下多時骨體枯蓋崩久血少亡陽故白滑之物下

流不止東垣言之詳矣不可不知

帶下與夢遺同法治之

明戴思恭證治要訣

總論證治

赤白帶下皆因七情內傷或下元虛冷感非一端大率下白帶多間有下赤者並宜順氣散吞震靈丹仍

佐艾附圓或米飲調沙參末

帶下不止成疝羸者四物湯加煅牡蠣粉半錢吞固

真圓多服取效

有帶疾愈後一二月或再發半年一發先血而後下

帶來不可遏停畜未幾又復傾瀉此名漏帶最難治

者也

下截之血小腹主之有因血虛而虛熱陷入小腸致

小便澀痛色白如泔或成沙粒不可作淋治用冷刺

宜以四物湯五苓散各半貼和煎
李梴醫學入門

總論證治

經曰小腹冤熱洩出白液冤者濕熱凝滯結於五臟
自胞上而過帶脉出於大小腸之分淋瀝以下故曰
帶下赤屬血白屬氣其證頭昏目眩口苦舌乾咽堅
腫燥大便或閉或溏小便澀皆熱證也如赤白痢濁
一般但不痛耳間有痛者濕熱拂鬱甚則肚腹引痛
婦人服食燥熱性行乖戾以致肝旺脾虧而生濕熱
熱則流濕古人有用導水丸下之繼以淡劑滲之或
苦棟丸大元胡索散調之如臍腹痛者暫以辛溫開
導如大溫經湯補經固真湯龜蜆薑梔丸是也
瘦人多熱脉數外證潮煩乃陰虛火盛也苓藥梔皮
丸帶不止者用地骨皮一兩生地五兩酒十盞煎至
三盞分三次服或白芷散單益母丸白帶兼痛風者
二陳湯加蒼朮南星牛膝川芎兼頭風鼻涕者蒼朮
辛芎散兼七情者側藥梔皮丸
肥人多濕身黃脉緩陰戶如冰或痛白帶升陽燥濕
湯四妙固真丹
濕痰流下滲入膀胱宜二陳湯加二朮升麻柴胡或
蒼藥梔皮丸如結痰白帶淋瀝不已者先以小胃丹
半饑半飽津液下數丸候鬱積開服苓朮芍藥丸
通用五苓散合四物湯或單梔白皮炒為末酒糊丸
血虛加四物湯氣虛加參朮陳皮火動加黃蘗滑久
加龍骨赤石脂性燥加黃連腹痛加乾薑
因月水淋瀝不已或崩中暴下或產後去血過多以
致陰虧陽竭榮氣不升經脉凝泣衛氣下陷精氣累

滯於下焦蘊積而成白帶如涕下流腥臭者黃芪建
中湯去桂加當歸水煎吞苦棟丸久不止臍腹引陰
冷痛者東垣固真丸虛中有火者補經固真湯大烏
雞丸常用氣虛四君子湯血虛四物湯有火加黃藥
有寒加桂附

始因亡血復亡其陽陽氣虛極帶下腥臭多悲不樂
附桂湯腹痛陰冷者四物湯加桂附常用酒煮當歸
丸小烏雞丸益母丸琥珀調經丸

風邪入於胞門或中經脉流傳臟腑若傷肝經青如
泥色傷心經赤如紅津傷肺經形如白涕傷脾經黃
如爛瓜傷腎經黑如衄血宜胃風湯或五積散去麻
黃主之通用單地榆散

室女經水初下一時驚悸或浴以冷水或當風取涼
故經水止而即思帶下宜琥珀砂丸

孕婦帶下全是濕熱宜苓朮梔皮丸

平時陰陽過多及產後亡血下虛風邪乘虛入於胞
絡宜煖宮丸加薑附吳萸或黃芪建中湯去桂加當
歸水煎吞苦棟丸

凡帶下或用升提如升陽調經湯或用收澀如伏龍
肝散白芷散然暫止而終不止者蓋衛司開闔而為
榮血之主脾胃為血海水液之會衛氣與胃氣俱虛
則血液無所約制故古方有用桂枝湯加附子以固
衛氣者四君子湯加草果丁香木香以燥水健脾者
或用理中湯加陳皮半夏或單半夏丸用芍歸煎湯
下或補中益氣湯平胃散皆補衛厚脾使氣血自循
故輟而不專於收澀以劫奪之也

又有白淫一證如白精之狀不可誤作白帶過服熱
藥

脉法

帶下崩中脉多浮動虛遲者生實數者重
腎脉浮遲主患帶濁

論證

婦人帶下或因六淫七情或因醉飽房勞或因膏粱
厚味或服燥劑所致脾胃虧損陽氣下陷或濕痰下
注蘊積而成故言帶也凡此皆當壯脾胃升陽氣為
主佐以各經見證之藥

王肯堂證治準繩

論證

婦人有白帶者乃是第一等病令人不能產育宜急
治之此扁鵲之過邯鄲問貴婦人所以專為帶下醫
也

帶下之證有三未嫁之女月經初下止而即浴之以
冷水或熱而扇或當風此室女病帶下之由也有家
之婦陰陽過多即傷胞絡風邪乘虛而入胞經觸冷
遂使穢液與血水相連而下產後帶下由亡血失氣
傷動胞絡門開而外風襲肌體虛而冷風入風與熱
氣相連故成液而下冷則多白熱則多赤冷熱相交
則赤白俱下

論潔古治法

帶下少腹冤結而痛者先以十棗湯下之次服苦棟
丸大元胡散調之是先攻後補之法也不可不知
結痰白帶以小胃丹半饑半飽津液下數丸候鬱積
行却服白朮一兩蒼朮半兩紅白葵花二錢半白芍

藥七錢半蒸餅爲丸空心煎四物湯下二十九以補之

燥濕法

有濕痰而弱不禁攻者燥之熱濕互涼燥寒濕宜溫燥

枯涸宜潤

帶下久而枯涸者濡之凡大補氣血皆所以濡之如以四物湯爲末煉蜜丸梧子大空心米飲下三四十丸以療年高婦人白帶長驗皆潤劑也

補虛法

凡脈微食少及久病會經攻下者俱作虛治有熱用涼補無熱用溫補

酸漿草辨

千金治赤白帶下用三葉酸漿草陰乾爲末酒服按此草葉細如萍葉生莖端有三葉俗名布谷飯布谷者鳩也蓋鳩常食之故又名鳩漿草衍義誤入苦蕒條其子大如金柑味酸可食故亦名酸漿非三葉也酸漿小草布地而生葉皆三瓣惟開黃花其莖葉皆酸者

敗膿所致

帶下并腸有敗膿淋漓露不已腥穢殊甚遂至臍腹更增冷痛此蓋敗膿血所致卒無已期治須排膿爲先白芷一兩單葉紅蜀葵根二兩白芍藥白薤各半兩蔥燒枯另研餘同爲末以蠟爲丸如桐子大空肚及飯前米飲下十九或十五丸候膿盡仍別以補藥佐之

吳崑醫方考

用白芷黃荊實瓦礫子論

白帶者胃中濕熱下注而成倉之清注於器而生溺底近耳前古名醫有單用焦白芷而主者有單用焦荊實而主者有單用瓦礫粉而主者蓋以白芷之性香而升舉荊實之性辛而利氣瓦礫之性燥而勝濕炒而焦之則火可以生土土可以防水煉而粉之則燥可以勝濕勝濕則無以下注而白帶止矣此用三物之意也

用葵花論

凡人腰臍之間有帶脈奇經八脈之一也週身一週如束帶焉下焦虛損督任有虧則中焦氣血乘虛而襲之陷於帶脈之下氣病爲白血病爲赤名曰赤白帶下也東垣曰白葵花治白帶紅葵花治赤帶赤治血燥白治氣燥此何言哉崑謂葵花者朝陽之葵也稟草木之陰涵天地之陽故能潤燥而升陽使營衛上行不復陷於帶脈之下而爲帶下也或問帶下一疾耳此言氣血陷於帶脈之下爲帶下前言胃中濕熱下注爲帶下何相悖也余曰婦人無病客單下白者責之濕熱下注婦人久病赤白並下責之氣血下陷多成瘵也又曰有言白者屬寒赤者屬熱其說何如余曰會見寒者固有赤帶熱者益多白帶此白寒赤熱之言不足徵矣必若所言則赤白並下者是寒熱豈有耶見道之言不如此

用千金白馬毛散論

氣陷於下焦則白帶血陷於下焦則赤帶以溫藥止之則未盡之帶而不出以利藥下之則既損其中又傷其下皆非治也白馬得乾之剛毛得血之餘血

餘可以固血乾剛可以利氣固血則赤止利氣則白愈此用馬毛之意也龜鼈牡蠣外剛而內柔離之象也去其柔而用其剛故可以化癥可以固氣化癥則赤白之成帶者無復中留固氣則營衛之行不復陷下管不陷則無赤衛不陷則無白矣萬全廣嗣紀要

帶下皆身中之血

女子之血謂之七損上爲乳汁下爲月經交合浸淫之水與夫漏濁崩中帶下之物皆身中之血也

婦人視科

論治

帶下之病婦女多有之赤者屬熱兼虛兼火治之白者屬濕兼虛兼痰治之年久不止者以補脾胃爲主兼升提大抵瘦人多火肥人多痰

必用之藥

赤帶用四物湯加芩連再加升麻丹皮主之兼服三補丸

白帶用加味六君子湯主之兼服蒼朮導痰丸

帶久不止者宜服十全大補湯去地黃加陳皮半夏炒乾薑更服參朮大補丸以補脾胃之虛及服補宮丸以固下元之脫

白帶與白淫白濁不同

婦人白帶與白淫白濁之病證既不同治亦有別蓋白帶時常流出清冷稠粘此下元虛損證也用上帶久不止之法治之非如白濁隨小解而來渾濁如泔者比也

景岳全書 臣 吳崑醫方考

論證

凡婦人淋帶雖分微甚而實為同類蓋帶其微而淋其甚者也總由命門不固而不固之病其因有六蓋一以心旌之搖之也心旌搖則命門應命門應則失其所守此由於不遂者也一以多慾之滑之也情慾無度縱肆不節則精道滑而命門不禁此由於太遂者也一以房室之逆之也凡男女相臨遲速有異此際權由男子而婦人情與多致中道而止則逆逆則為濁為淋此由於遂而不遂乃女子之最多而最不肯言者也以上三證凡帶濁之由乎此者十居八九而三者之治必得各清其源庶可取效然源未必清而且旋觸旋發藥餌之功必不能與情實爭勝此帶濁之所以不易治也此三者之外則尚有濕熱下流者有虛寒不固者有脾腎虧陷而不能收攝者當各因其證而治之

治法

一心旌搖心火不靜而帶下者先當清火宜硃砂安神丸清心蓮子飲直指固精丸之類主之

一無邪火而但見心虛帶下者宜秘元前參丸心虛白濁飲伏菟丸之類

一慾事過度滑泄不固而帶下者宜秘元煎壽脾煎固陰煎芥末菟絲丸濟生固精丸鎖精丸金鎖思仙丹之類主之

一人事不暢精道逆而為濁為帶者利宜六味地黃湯或威喜丸之屬以利之久不止者宜固陰煎芥末菟絲丸之屬以固之

一濕熱下流而為帶濁脈必滑數色見紅赤證有煩

渴而多熱者宜保險煎加味逍遙散或經驗猪肚丸亦佳若熱甚兼淋而赤者宜龍膽瀉肝湯

一元氣虛弱而帶下者宜壽脾煎固陰煎菟絲丸七福飲十全大補湯九龍丸之屬

一陽氣虛寒脈見微澀色白清冷腹痛多寒者宜加薑附或用家韭子丸

一脾腎氣虛下陷而多帶者宜用壽脾煎固陰煎歸脾湯補中益氣湯之屬

方一

白石脂圓千金方下同

治婦人胞中痛漏下赤白

白石脂 鵝鵝骨 禹餘糧 牡蠣各十八銖

赤石脂 乾地黃 乾薑 龍骨 桂心 石華

白薇 細辛 芍藥 黃連 附子 當歸

黃芩 蜀椒 鍾乳 白芷 芎藭 甘草各半兩

右為末蜜丸梧子大每日空心酒下十五丸日再服一方有黃藥半兩

小牛角鰓散

治帶下五貴一日熱病下血二日寒熱下血三日經脉未斷為房事則血漏四日經來舉重傷任脉下血五日產後臟開經利五貴之病外實內虛

牛角鰓一枚燒令赤 鹿茸 禹餘糧 當歸

乾薑 續斷各二兩 阿膠三兩 鵝鵝骨

龍骨各一兩 赤小豆二升

右治下篩空腹以酒服方寸匕日三一

方無鹿茸

鵝鵝骨

龍骨散

治赤白帶下

龍骨三兩 黃藥 半夏 庵中黃土 桂心

乾薑各二兩 石華 滑石各一兩 鵝鵝骨

代赭各四兩 白殭蠶五枚

右治下篩酒服方寸匕

如白多者加鵝鵝骨殭蠶各二兩

如赤多者加代赭五兩

又方

治女人赤白帶下

大黃蒸三斗米下 附子 茯苓 牡蠣 牡丹

桔梗 葶藶各三兩 厚朴 芎藭 人參

當歸 蠶蟲 蜀椒 吳茱萸 柴胡 乾薑

桂心各半兩 細辛二兩半

右十八味為末蜜和丸如梧子大每日空心酒服

二九不知加之以腹中溫為度一方有麻子三兩

澤蘭十兩無蜀椒葶藶

又方

治帶下百病

大黃破如豆粒熬令黑色 柴胡 砂硝各一斤

川芎五兩 乾薑 蜀椒各一升 茯苓如鷄子大一枚

右為末蜜丸梧子大先食米飲服七丸不止加至十九以知為度

又方

治婦人及女子赤白帶下

禹餘糧 當歸 川芎各一兩半 赤石脂

禹餘糧 當歸 川芎各一兩半 赤石脂

白石脂 阿膠 龍骨 石葦各一兩六銖
鵝劍骨 黃蘗 白薇 黃芩 續斷 桑耳
牡蠣各一兩

右為末蜜丸梧子大空心米飲下十五丸日再加
至三十九為度一本有黃連無黃芩

白馬蹄圖

治女人下焦寒冷成帶下赤白濁

白馬蹄 龍甲 鯉魚甲 龜甲 蜀椒各一兩

葱石 甘草 杜仲 萆薢 當歸 續斷

川芎 禹餘糧 桑耳 附子各二兩

右十五味為末蜜丸梧子大以酒服十九加至三

十九日三服一本無龍甲

白馬蹄散

治婦人帶下

白馬蹄二兩 龜甲四兩 牡蠣一兩十八銖

龍甲十八銖

右治下篩空心酒下方寸匕日三服加至一匕半

如下白取白馬者

如下赤取赤馬者

雲母芍藥散

治五崩身瘦欬逆煩滿少氣心下痛面生瘡腰痛
不可悅仰陰中腫如有瘡狀毛中癢時痛與子臟
相通小便不利常拘急頭眩頸項急痛手足熱氣
逆衝急心煩不得臥腹中急痛食不下吞酸噎苦
上下腸鳴漏下赤白青黃黑汁大臭如膠汚衣狀
皆是內傷所致中寒即下白中熱即下赤多飲即
下黑多食即下黃多藥即下青或喜或怒心中常

恐或憂勞便發動大惡風寒

雲母 芍藥 代赭 東門邊木燒各一兩

白殭蠶 鵝劍骨 白芫 蛭皮各六銖 龜甲

桂心 伏龍肝 生鯉魚頭各十八銖

右治下篩酒服方寸匕日三夜一一方有龍骨乾
薑一方用龜甲不用龍甲

慎火草散

治崩中漏下赤白青黑腐臭不可近令人面黑無

顏色皮骨相連月經失度往來無常小腹弦急或

苦絞痛上至心兩脅腫脹食不生肌膚令人偏枯

氣息乏少腰背痛連腎不能久立每嗜臥困懶

慎火草 白石脂 龍甲 乾薑 細辛 當歸

芍藥 石斛 芍藥 禹餘糧 牡蠣各二錢 黃

連 乾地黃 薔薇根皮各四兩 熟艾 桂心各

一兩

右治下篩空心酒服方寸匕日三稍加至二匕

若寒多者加附子椒各一兩

若熱多者加知母黃芩各一兩

若白多者加乾薑白石脂各二兩

若赤多者加桂心代赭各二兩

禹餘糧圖

治崩中赤白不絕困篤

禹餘糧五兩 白馬蹄十兩 鵝劍魚骨一兩

龍骨三兩 鹿茸二兩

右為末蜜丸梧子大以酒服二十九日再以知為
度

又方

治女人崩中去赤白

白馬蹄五兩 蒲黃 鹿茸 禹餘糧 白芷

白馬鬚毛 小薊根 續斷各五兩 人參

乾地黃 柏子仁 鵝劍骨 黃芪 茯苓

當歸各三兩 艾葉 茯苓 伏龍肝各二兩

至四十九

治崩中去赤白或如豆汁

伏龍肝如彈子七枚 生薑五兩 生地黃四升

甘草 艾葉 赤石脂 桂心各二兩

右咬咀以水一斗煮取三升分四服日三夜一

又方

治崩中漏下赤白不止氣虛竭

龜甲 牡蠣各三兩

右二味治下篩酒服方寸匕日三

又方

治同上

桑耳一兩半 鹿茸十八銖

右二味以酢五斗漬炙燥再漬酢盡為度治下篩
服方寸匕日三

又方

治同上

地榆 知母各等分

右二味用各指大長一尺者咬咀以酢一升東向
籠中治極濃去滓服之

芍藥湯

芍藥湯

治帶下漏血不止

芎藭 乾地黄 黃芪炙 白芍藥 吳茱萸
甘草各二兩 當歸 乾薑各三兩

右咬咀以水一斗煮取三升分三服

若月經後因有赤白不止者除地黄吳茱萸加杜仲人參各二兩

小柴胡湯

治肝膽經證寒熱往來嘔熱潮熱默默不欲飲食或怒火口苦耳聾欬嗽發熱脅下作痛甚者轉側不便兩脅痞悶或瀉利欬嗽或吐酸食苦水皆用此藥主之治帶下亦間用此加減

柴胡二錢 黃芩炒一錢 人參 半夏各七分

甘草炙五分

右薑棗水煎服

補中益氣湯

治元氣虛損或因尅伐惡寒發熱倦怠少食或不能消散生肌或兼飲食勞倦煩熱作渴亦用此加減治女人帶下

黃芪炒 人參 白朮炒 甘草 當歸各一錢

陳皮五分 柴胡 升麻各三分

右薑棗煎空心午後服

六君子湯

治氣虛有痰補脾健胃并治帶下虛者用此加減

人參 白朮 茯苓各二錢 甘草炙一錢

陳皮 半夏

右薑棗水煎服

歸脾湯

治脾經失血少寐發熱盜汗或思慮傷脾不能攝血以致妄行或憂思傷脾血虛發熱或肢體作痛大便不調或經候不准帶下嘔熱內熱

人參 白朮炒 黃芪炙 白茯苓 龍眼肉 當歸 遠志去心 酸棗仁炒各一錢 木香 甘草炙各五分

右薑棗水煎服

八珍湯

治氣血俱虛及帶下虛者用此加減

人參 白朮 白茯苓各二錢 熟地黃三錢 甘草炙 當歸酒拌 芍藥炒 川芎各一錢

右煎服

龍膽瀉肝湯

治肝經濕熱兩拘腫痛或腹中疼痛或小便澀滯等證亦用此加減治帶下

龍膽草酒拌炒黃 澤瀉各一錢 車前子炒 木通 生地黃酒拌 當歸酒拌 山梔仁炒 黃芩炒 甘草各五分

右水煎服

妙香散

治心氣不足精神恍惚虛煩少睡盜汗等證亦用此加減治帶下

人參 甘草炒 桔梗各五錢 遠志去心炒 山藥薑汁炙 茯苓 茯神 黃芪各一兩

辰砂研三錢 麝香研二錢 木香煨二錢半 右爲末每服二錢溫酒調下

四七湯

治七情鬱結成痰或如梅核梗於喉間或中脘停痰氣痞或痰壅氣喘或痰飲中脘嘔逆惡心亦治帶下有痰者

半夏薑製一錢五分 紫蘇葉 厚朴薑製 茯苓各一錢

右薑棗水煎服

丁香膠艾湯

治崩漏不止白帶白滑之物多間如屋漏水下時有鮮血自覺臍下如冰求衣被以禦其寒右尺脈時微洪

熟地黃 白芍藥各三分 川芎 丁香各四分 阿膠六分 生艾葉一錢 當歸一錢二分

右川芎爲細末當歸酒洗剉熟地黃丁香爲細末艾亦剉都作一服水五大盞先煎五味作一盞零二分去粗入膠再上火煎至一大盞帶熱空心服之

延胡苦楝湯

治臍下冷撮痛陰冷大寒白帶下

黃蘗一分 延胡索 苦楝子各二分 附子炮

肉桂各三分 炙甘草五分 熟地黃一錢

右都作一服水二大盞煎至一盞食前服

神聖復氣湯

治復氣乘冬足太陽寒氣足少陰腎水之旺能令母實手太陰肺實反來侮土火木受邪腰背骨脇

閉塞疼痛善噦口中涎目眩中流鼻中流濁涕不止或如息肉不聞香臭欬嗽痰沫上熱如火下寒如

冰頭作陣痛目中流火視物眩暈耳鳴耳聾頭并

治同上

大黃 黃芩各二兩 滑石 黑牽牛頭末各四兩

右爲細末滴水丸梧子大每服五十丸或加至百丸臨臥溫水下

禹功散

治同上

黑牽牛頭末四兩 茴香一兩炒 或加木香一兩

右爲細末以生薑自然汁調一二錢臨臥服無憂散

治同上

黃芪 木通 桑白皮 陳皮各一兩 胡椒

白木 木香各半兩 牽牛頭末四兩

右爲細末每服三五錢以生薑自然汁調下食後

五苓散

治同上

官桂 澤瀉 猪苓 茯苓 白木各半兩

右爲細末每服二錢熱湯或新水調下

葶藶木香散

治同上

苦葶藶 茯苓 猪苓 官桂各一分 澤瀉

木通 甘草各半兩 滑石三錢 木香半錢

右爲細末每服三錢生薑湯調食前服

玉燭散

治赤白帶下隨宜酌用

當歸 芍藥 川芎 熟地 芒硝 大黃 甘草

右咬咀生薑三片煎服

又方

治婦人赤白帶下

平胃散 黃芪炒分兩各隨宜

右調服

衛生湯

治脾養血亦用此加減治帶下

當歸 白芍藥各三兩 黃芪二兩 甘草一兩

右爲粗末每服半兩水二盞煎至一盞去滓溫服空心

如虛者加人參一兩

十棗湯

治帶下熱滯不散

芫花 大戟 甘遂各等分

右爲末水一棗葉十枚劈開煮汁半棗調藥末半

錢匕實者一錢匕

瓜蒂散

治赤白帶下隨宜酌用

瓜蒂 赤小豆各七十五箇 人參 甘草各半兩

右爲細末每服一錢或半錢或二錢量虛實加減用之空心薑汁調服一方甘草二錢五分

獨聖散

治同上

瓜蒂不拘多少

右爲細末每服一錢或二錢薑汁調服

如脅痛加全蠍

如頭痛加鬱金

導水丸

口鼻或惡風寒喜日陽夜臥不安常覺痰塞膈咽不通口失味兩脅縮急而痛牙齒動搖不能嚼物陰汗前陰冷行步欹側起居艱難掌中寒風痺麻木小便數而晝多夜頻而欠氣短喘喝少氣不足以息卒遺失無度婦人白帶陰戶中大痛率心而痛驚黑失色男子控舉率心腹陰陰而痛面如赭色食少大小便不調心煩霍亂逆氣裏急而腹皮色白後出餘氣腹不能努或腸鳴膝下筋急肩胛大痛此皆寒水來復火土之嫌也

黑附子 乾薑炮各三分 當歸身六分 防風

柳杏仁湯浸去皮尖另研如泥 人參各五分

半夏湯泡七次 川升麻各七分 白葵花

橘皮各五分 甘草 薑本各八分 柴胡

羌活 草豆蔻仁麝香煨熟去皮 黃芪各一錢

生地黃二分酒洗 黃藥酒浸 黃連酒浸

枳殼各三分已上四味預一日另用新水浸

細辛二分 川芎細末 蔓荊子各三分已上三味

預一日用新水半大盞分作二處浸

右將白葵花已上十三味都作一服水五盞煎至二盞入橘皮已上三味再煎至一盞又入生地已下七味復上火煎至一大盞去粗稍熱服空心忌

肉湯宜食肉不助經絡中火邪也

搐鼻香

治子宮久冷赤白帶下

牡蠣煨 紫柏花 韶腦 母丁香 蛇牀子

黃狗頭骨煨 破故紙 桂心各等分

右爲細末煉蜜丸如雞頭大臨事用一粒

治赤白帶下隨證酌用

輕粉一錢 大黃一兩 牽牛二兩 芫花酢炒
甘遂 大戟各半兩

右爲末滴水丸小豆大初服五丸每服加五丸溫
水下無時日三

小胃丹

治同上

芫花酢拌勻過一宿瓦器不住手攪炒令黑勿焦

甘遂麝裹長流水浸半日水洗曬乾冬七春秋五夏

一日 大戟長流水煮一時水洗曬乾各半兩

大黃溫紙裏煨勿焦切焙乾酒潤炒乾一兩半

黃藥三兩焙炒

右爲末粥丸麻子大每服二三十九臨臥津液吞
下或白湯一口送下取其膈上之濕痰熱積以意

消息之欲利則空心服

五積散

半夏二分 白芷 川芎 芍藥 甘草 茯苓

當歸 桂各三分 陳皮 麻黃各六分 厚朴

乾薑各四分 桔梗一分半 蒼朮七分半

枳殼五分

右薑蔥煎服

如調經入艾許

如體薄有汗去蒼朮麻黃

平胃散

婦人帶下用此補衛厚脾

蒼朮二錢 陳皮一錢四分 厚朴薑汁炙一錢

甘草八分

右薑棗入鹽少許溫服

二陳湯

治肥人痰濕流下致成白帶

半夏一錢 陳皮二錢 茯苓八分 甘草四分

右生薑三片水煎服

如血虛合四物湯

如氣虛合四君子湯

黃芪建中湯

治白帶如涕沫極腥臭

黃芪 肉桂各七分 甘草一錢半 白芍三錢

右薑棗煎去渣入飴糖少許再煎令饒空心服

大延胡索散

婦人濕熱帶下用此調之

延胡索 莪朮 當歸 三稜 官桂 厚朴

赤芍 川棟肉 木香 川芎各一分半 桔梗

黃芩 大黃各五分 甘草一錢 檳榔二分

右水煎日三次熱服

蠡斯丸

治帶下腥臭多悲不樂

香附 白薇 半夏 茯苓 厚朴 杜仲

當歸 秦艽各三兩 肉桂 乾薑 牛膝

防風 沙參各二兩二錢 細辛 人參各四錢

右爲末蜜丸梧子大每服二十五丸酒下

芩蘗梲皮丸

治瘦人多熱致成帶下

黃芩 黃蘗 梲皮 滑石 川芎 海石

青黛 當歸 芍藥各等分

右酢糊丸服

芩木梲皮丸

治孕婦白帶

黃芩 白朮各三錢 黃蘗錢半 梲皮 白芍

山茱萸各一錢半 白芷 黃連各二錢

右爲末酒糊丸溫酒下

蒼藥萃芍散

治婦人上有頭風鼻涕下有白帶

蒼朮 黃蘗 辛夷 川芎 南星 滑石

半夏 牡蠣 黃芩酒炒

右水煎溫服

龜蘗薑梲丸

治赤白帶下或時腹痛

龜板三兩 黃蘗一兩 山梔子炒二錢半

乾薑炒一錢

右爲末酒糊丸白湯下

側柏梲皮丸

治七情所傷脉數白帶下

梲皮二兩 側柏葉 黃蘗酒蒸 黃連各五錢

香附 白朮 白芍各一兩 白芷燒存性三錢

右爲末粥丸米飲下

蒼藥梲皮丸

治肥人濕痰致成白帶

黃蘗 梲皮 海石 半夏 南星 川芎

香附 蒼朮 乾薑各等分

右爲末酢糊丸梧子大每五六十丸白湯下

如暑月去薑加滑石

獨活五分 蔓荊子七分 當歸 防風 甘草
升麻 藥本各一錢 柴胡 羌活 蒼朮
黃芪各一錢半

右空心水煎服以飯壓之

半夏丸

古方治帶下用此加減以燥水健脾

半夏香油炒

右爲末粥丸梧子大每服三五十丸薑湯下

胃風湯

治風邪傷腎帶下黑如衄血

茯苓 人參 當歸 川芎 白朮 芍藥

肉桂各七分 粟米百粒

右水煎溫服

補經固真湯

一名補陽固真湯治始病崩中日久白帶下流不止

柴胡 黃芩 榔李仁 甘草各一錢 人參

乾薑各二錢 橘皮五分 白葵花一朶

右水煎溫服如赤帶用紅葵花一方用白葵花十六朶

六朶

四妙固真丹

治婦人崩帶下血子宮血虛冷等證

蒼朮一斤分作四分一分用茴香青鹽各一兩炒

一分用川烏川棟各一兩炒 一分用川椒破故紙

各一兩炒 一分用酒酢炒俱以木黃爲度去各炒藥

右將各炒藥爲末煮藥酒酢打糊丸梧子大每服

三十九淡酢湯下

清白散

治白帶

當歸 川芎 白芍炒 生地酒洗過薑汁炒

黃蘗鹽水炒 貝母 樗根白皮酒炒各等分

乾薑炒黑 甘草各減半

右剉一劑生薑煎服

如肥人多濕痰加白朮半夏

如赤帶加酒芍荊芥久下加熟地牡蠣

如氣虛加人參黃芪

如腰腿痛加鹿角膠或只以二陳湯加蒼朮白朮

如血虛加芍歸

如升勝脫之濕二陳加升麻柴胡蒼朮白朮

解帶散

治婦人血氣不調濕熱白帶四肢倦怠五心煩熱

痰鬱嘈雜

歸身一錢半 白芍酒炒 白朮炒各一錢二分

蒼朮米泔浸炒 茯苓 香附酢炒 丹皮酒洗

陳皮去白各一錢 甘草炙四分 延胡炒

川芎各八分

右剉一劑生薑煎空心服

八妙丸

治經脈不調濕氣白帶腹痛胃弱

香附便製 丹皮 川芎酒炒 延胡炒各二兩

當歸身酒洗 生地黃薑汁炒 白茯苓各二兩

赤芍藥酒炒一兩半

右爲細末酒糊爲丸如菽豆大每服五十九粒空心

滾水下

如腹痛酒下七十九

固經丸

治赤白帶下屬濕熱者

白朮七錢 香附炒 黃蘗各一兩炒 龜甲炒

梔子各二兩炒 貝母 乾薑炒各二錢 苦參

山茱萸肉 樗根白皮酒炒各五錢 白芍七錢半

右爲末酒糊爲丸如梧桐子大每服八十九粒空心

滾水送下

玉仙散

治赤白帶下屬寒者

乾薑炒 香附炒 白芍炒各一兩 甘草生五錢

右爲末每服三錢空心黃酒送下

朝元散

治赤白帶下腹臍冷痛子宮虛寒

白芷 陳皮 厚朴 枳殼 桔梗 川芎

白芍 當歸 茯苓 蒼朮 半夏 乾薑

官桂 香附 吳茱萸 小茴香 甘草

右剉一劑生薑三片棗一枚水煎空心服

一方加乳香沒藥各二錢半烏藥一兩酒煎入米

糖一斤早晚隨量飲酒大效

四神丸

治白帶

香附米八兩酒酢童便各浸二兩浸三日炒

砂仁去殼炒 蒼朮米泔水浸透牡蠣粉炒

椿根白皮各二兩蜜水炒

右爲末黃米煮飯爲丸如梧子大每服五六十丸

空心黃酒送下

二氣丹

治赤白帶下

船硫黃鑄化傾水中如此七次 硃砂 官桂 乾薑各一兩炮 大附子麪包煨去皮五錢

鹿茸二兩酢炙 麝香一錢

右爲末酢糊爲丸如梧子大每服三十九空心鹽湯送下如虛勞發熱先以四物湯四錢小柴胡湯六錢合和煎服後用十全大補湯

又方

治婦人赤白帶下上熱下寒口出惡氣咽乾牙痛

耳鳴上下流注疼痛發熱憎寒口吐酸水嘈雜惡

不思飲食

當歸 川芎 赤芍 生地 陳皮 半夏薑炒

茯苓 蒼朮米泔浸炒 香附童便浸炒 柴胡

升麻 黃芩酒炒 丹皮 甘草

右剉生薑煎服一方加地榆尤良

下焦藥治法

治臍下寒痛如冰

三奈 川烏 大椒各五分 全蠍三箇 柴胡

羌活各二錢 白礬枯三分 升麻二分 大蒜

破故紙與蒜同焙各一錢 麝少許

右爲末煉蜜丸彈子大綿裹留係在陰外內陰中

導痰丸

帶下有痰者兼服此

甘遂製 百藥煎各二兩 全蠍 僵蠶各一兩

大半夏六兩分作三分一分用白礬一兩爲末浸水

一分用肥皂角爲末浸水一分用巴豆肉一百粒爲

末浸水餘藥在下半夏在上浸至十日或半月要常

動水令二藥相透次相合處揀去巴豆并皂角將餘

水以慢火煮令水乾取出半夏切搗碎曬乾或陰乾

亦佳

右爲細末薄糊丸如梧子大每服十九或十五丸

亦量人虛實白湯下

萬靈膏藥

治元氣虛弱女人赤白帶下子宮虛冷血山崩等

證貼丹田熨一百二十手

香油四斤 白芷 赤芍 大黃 黃連 白芍

兩頭尖 草烏 元參 川芎 生地 川椒

胎髮頭生男者 穿山甲 熟地 杏仁 槐角

黃蘗各一兩 歸尾二兩 木鼈子五十箇去殼

黃香十二兩化開傾米泔水九次 蓖麻子去殼

巴豆各一百二十粒去殼

以上各咀片入油內浸春五日夏三日秋七日冬

十日取傾鍋內熬枯黑色濾去渣將淨油入鍋文

武火熬滴水成珠方細退火黃丹二斤飛過焙乾

徐徐下以槐柳桃杏各二枝不住手攪再下黃

香去火少冷又下後細藥攪勻將好瓶貯之放水

內浸一七出火氣用時放滾水內頓化攤開細藥

列後 阿魏 丁香 沉香各一兩 麝香二兩 血竭 孩兒茶 乳香 沒藥各三兩 珍珠製五錢 琥珀三錢

右各爲極細末入前膏內

七味白朮散

治帶下中氣虛口乾或吐瀉等證用此加減

人參 白朮 木香 甘草 藿香 白茯苓

乾葛各一錢

右作一劑水煎服

人參黃芪湯

治帶下氣血虛并血下不止等證用此加減

人參 黃芪炒 當歸 白朮炒 白芍炒

艾葉各一錢 阿膠炒二錢

右作一劑水煎服

六味丸

一名地黃丸治帶下兼腎虛發熱作渴唾痰小便

淋瀝頭暈眼花咽燥腎虛齒不堅固腰腿酸等證

用此兼服

熟地黃八兩 山萸 山藥各四兩 白茯苓

澤瀉 丹皮各三兩

右煉蜜丸梧子大食前服

加味逍遙散

治帶下肝家有熱者用此加減

甘草炙 當歸炒 芍藥酒炒 茯苓 白朮炒

柴胡各一錢 丹皮 山梔炒各五分

右水煎服

補宮丸

治帶下元虛脫者用此固之

鹿角霜 白茯苓 白朮 白芍 白芷 龍骨煨

牡蠣煨童便淬 山藥炒 赤石脂煨各等分

乾薑炒減半

右酢糊丸空心米飲下

三補丸

治赤帶兼服此丸

黃芩 黃連 黃蘗各炒等分

右蜜丸白湯下

四物加芩連湯

帶下熱盛者用此

四物湯 赤芍 黃芩炒 黃連炒各一錢

甘草生五分

右水煎服

加味六君子湯

治白帶

陳皮 半夏泡 蒼朮泔水浸 人參各一錢

白朮一錢五分 白茯苓一錢二分 炙草七分

升麻 柴胡各五分

右薑水煎服

震靈丹

一名紫金丹治婦人血氣不足崩漏虛損帶下虛

冷胎藏無子

滴乳香另研 五靈脂 沒藥並去砂石各二兩

朱砂飛一兩 禹餘糧火煨酢浮手撚得碎為度

紫石英 代赭石如禹餘糧炮製 赤石脂以上四

味並作小塊入鍋內鹽泥固濟候乾用炭十斤煨通

紅火盡為度入地埋出火毒二宿

右為細末以糯米粉煮糊為丸如雞頭實大曬乾

出火每一丸空心酢湯下

如有孕不可服

和劑固陽丸

治帶下不止間用養血固血藥煎湯吞此

黑附子炮三兩 川烏頭炮二兩 白龍骨一兩

補骨脂 舶上茴香 川棟子各一兩七錢

右為末酒糊丸如梧子大每服五十丸空心溫酒

送下

人參順氣散

証治要訣治赤白帶下用順氣散恐即此

人參 川芎 桔梗 白朮 白芷 麻黃去節

陳皮 枳殼 烏藥 白薑炮 甘草炙各一錢

右水二鍾煎至一鍾或為細末食前用甘草湯調

服

加減人參黃芪湯

治帶下虛滑之證

人參黃芪湯 芍藥酢炒 牡蠣粉 禹餘糧

右分兩隨宜水煎服

梔皮丸

治赤白帶有濕熱者

芍藥五錢 良薑三錢燒灰 黃蘗二錢炒成炭

椿根皮一兩半

右為末粥丸每服三五十丸空心米飲吞下

又方

治赤白帶因濕熱勝而下者

滑石炒 蒼朮鹽炒 白芍各一兩 椿根皮炒

乾薑煨各二兩 地榆半兩 枳殼 甘草各三錢

右為末用粥和丸米飲下

又方

治帶下

椿根皮二兩 神麴炒 蒼朮泔浸 青皮麴炒

黃蘗炒各一兩 芍藥兩半 滑石 枳殼各半兩

右為末糊丸桐子大每服五十丸空心下

固腸丸

治濕氣下利大便血白帶去脾胃陳積之後用此

以燥下濕亦不會單用看病作湯使

椿根皮

右為末粥糊為丸服按此藥性涼而燥須炒用一

方加滑石一半

又方

治白帶因七情所傷脈數者

黃連炒 側柏葉酒蒸 黃蘗炒各半兩 白芍

香附子酢炒 白朮炒各一兩 白芷燒存性

木香各三錢 椿根皮二兩炒

右為末飯粥為丸米飲湯送下

已上五方治帶俱用椿皮乃涼燥之劑濕熱盛者

宜之後一方有黃連香附木香故可治七情所傷

乳香散

治赤白帶下

草果一枚去皮入乳香一小塊用麵餅裹火炮焦黃

薑性取出和麵用之

右為細末每服二錢陳皮飲調下重者三錢

伏龍肝散

治赤白帶下久患不瘥危悴乏力六脈微濡

伏龍肝炒令煙盡 屋梁上懸塵炒令煙盡

櫻欄癰赤存性

右並出火毒等分研勻入臘將各少許每服三錢
溫酒或淡酢湯下患十年者半月可愈

馬蹄丸

治白漏不絕

白馬蹄 禹餘糧各四兩 龍骨三兩 白殭蠶
鶴鰾魚骨 赤石脂各二兩

右為細末煉蜜和丸如梧桐子大每服十九空心
酒送下不止加三十九

白芷散

治赤白帶下

白芷二兩 海螵蛸二箇煨 胎髮一箇煨

右為細末空心溫酒調下一錢

牡蠣散

治帶下兼經水過多或暴下血片不限年月遠近

牡蠣 龍骨 赤石脂並煨 肉蓯蓉酒浸切焙

石斛 鰾鰾骨去甲 黃芪各兩半 牛角鰾灰

阿膠炒 熟地黃焙 芍藥炒各二兩 乾薑炮

人參 白朮 桑耳 當歸焙各一兩二錢半

芎藭 附子炮去皮脂 桂心 艾葉炒各一兩

右為細末每服三錢平旦米飲調服日再

補宮丸

治白帶及白淫

鹿角霜 白茯苓 白芷 白朮 鰾鰾魚骨

白芍藥 牡蠣粉 白薇 山藥各等分

右為末糊丸梧子大米飲下五十九

白葵丸

下月服

治婦人赤白帶下久不瘥肌瘦瘁黃及經年崩漏

不止諸藥不效脈濡微與前伏認肝散兼服即愈

白礬四兩 附子二兩 黃狗頭骨四兩燒灰

右為末粥丸桐子大每服三十九

補真潤腸湯

一名助陽湯治白帶下陰戶中痛控心而急痛面

黃皮緩身重如山陰中如冰

柴胡一錢二分 良薑二錢 白葵花七朵

防風 柳李仁 乾薑 甘草各一錢 陳皮

生薑各五分

右為細末只作一服水二盞煎至一盞去滓食前

熱服按葵花柳李仁之滑以潤燥蓋枯澀著者

宜之

又方

治白帶

龜板炙 枳子各二兩 黃蘗一兩炒 香附子

山茱萸肉 苦參 枳根白皮 貝母各半兩

白芍藥七錢半 乾薑炒二錢半

右為末以酒糊為丸空心米飲下

又方

治赤白帶

龜板塗酒炙二兩 黃蘗炒一兩 乾薑炒一錢

枳子二錢半

右為末酒糊為丸日二服每服七十九

又方

治帶下脈數者

枸杞根一斤 生地黃五兩

右二味以水一斗煮取五升分三服

已上三方治帶用龜板黃蘗地黃蓋腎水真陰虛

者宜之

白薇丸

治室女衝任虛寒帶下純白

鹿茸酒蒸焙二兩 白薇 狗脊燎毛製各一兩

右為細末艾煎酢汁打糯米糊丸如梧子大每服

五十九空心溫酒送下

當歸煎

治赤白帶下腹內疼痛不欲飲食日漸羸瘦

當歸酒浸 赤芍藥 牡蠣火煨取粉 白芍藥

阿膠 熟地黃酒蒸焙 續斷酒浸各一兩

地榆半兩

右為末酢糊丸如梧子大每服五十九空心米飲

下

茯苓散

治婦人血傷兼帶下積久不止面黃體瘦漸成虛

勞腰脚沉重胎氣多損

白茯苓 茵蒲 木香 熟地黃焙 訶黎勒皮

柏子仁研 杜仲炙 青橘皮去白焙 赤石脂

鰾鰾魚骨去甲 五加皮剉 艾葉燒灰 秦朮

牛角鰾灰 兔絲子酒浸另搗 當歸焙各一兩

右為細末每服二錢溫酒調下糯米飲亦得如有

胎息用鯉魚糯米粥下藥

卷柏丸

治婦人室女腹臟冷熱相攻心腹絞痛腰腿疼赤

白帶下面色痿黃四肢羸乏